

ՄԱՆՈՒԿԻ ԻՋԵՒԱՆԱՏՈՒՆԸ ԲՈՒԽԱՐԵՍՏՈՒՄ (1804ից առաջ--ցայսօր)

ԱՆԴՐԵՅ ՊԱՍԼԱՐԻՈՒ
andrei_paslariu@yahoo.com

ԱՌԱՋԱԲԱՆ

Սոյն հաղորդումը ռումինական եւ այլ աղբիւրների ու պահպանուած գծանկարների ու լուսանկարների հիման վրայ ներկայացնում է Բուխարեստի ամենայայտնի շինութիւններից մէկի՝ Մանուկի¹ իջեանատան անցած ճանապարհը, փորձ է կատարում անել որոշ ճշգրտումներ:

Մանուկի իջեանատունը (ռումիներէն՝ Hanul lui Manuc) գտնուում է Բուխարեստի կենտրոնում ու կառուցուել է 1804ից առաջ: Թերեւս ամենայայտնի իջեանատունն է Ռումինիայում ու գործող ամենահին հիւրանոցը երկրի մայրաքաղաքում²: Նոյնիսկ եթէ երբեմն կոչուել է «Դակիա հիւրանոց»՝ համարուելով քաղաքի կարեւոր հիւրանոցներից մէկը, այսօր յայտնի է կրկին իր առաջին սեփականատիրոջ անունով:

Քանի որ քաղաքի պատկերը փոխուում է շարունակաբար, իջեանատան շուրջը եղած բոլոր կառույցները (բացառութեամբ մի եկեղեցու) աւելի նոր են ու շատ քիչ են յիշեցնում 19րդ դարի սկզբի կենտրոնի քաղաքաշինութեան կամ ճարտարապետութեան մասին: Փողոցները, շէնքերը, հրապարակները՝ բոլորը տարբեր են հիմա, ու պէտք է ջանք թափել՝ պատկերացնելու քաղաքի հին պատկերը: Դէպի հարաւ մի լայն հրապարակ կայ՝ Միութեան հրապարակը, բայց շէնքի գլխատու մուտքը հիւսիսային կողմում է:

¹ Մանուկ Բէյ.- Մանուկ Մարտիրոսի Միրզայեան, 1769–1817, ռումինահայ դիւանագէտ, առետրական գործիչ: 1802ին Վալաքիայի իշխանից ստացել է ազնուականի պատուանուն: 1807ին թուրք-դանութեան զօրքի հրամանատար Մուստաֆա փաշան Մանուկ Բէյին է յանձնել բանակի մատակարարման, ռուսների հետ հաշտութեան բանակցութիւններ վարելու գործը: Գործուն մասնակցութիւն է ունեցել 1812ի ռուս-թուրքական հաշտութեան պայմանագրի կնքմանը: 1813ին Բուխարեստից անցել է Տրանսիլվանիա, ապա հաստատուել Քիշնեւում եւ դարձել ռուսահպատակ: 1814ին նրան շնորհուել է պետական խորհրդականի աստիճան: Մեծ ծառայութիւններ է մատուցել Ռուսիայի եւ բալկանեան այլ քաղաքների տնտեսական զարգացմանը: 1817ին հիմնել է Բուխարեստի առաջին հայկական դպրոցը («Մանուկ Բէյ», *Հայկական Սովետական Հանրագիտարան*, հտր. 7, Երեւան, 1981, էջ 253):

² Իջեանատան մակերեսը մօտ 2000 քառակուսի մետր է, իսկ չափերը մօտ 65 x 35 մետր:

Դէպի հիւսիս ուրիշ մի հրապարակ է եղել՝ երկու եկեղեցիներով, որոնցից միայն մէկն է պահպանուել՝ Հին բակի³ եկեղեցին, որովհետեւ ամբողջ այս տարածքը ժամանակին պատկանել է Վալաքիայի ղեկավարներին⁴:



Մանուկ բէյի դիմանկարը (էրմիտաժ թանգարան, Սանկտ Պետերբուրգ)

Գլխաւոր դարպասը գտնուում է հիւսիսային ճակատի կենտրոնում, կամարի տակ, մինչեւ հարաւային ճակատը պարզ է ու միատեսակ:



Հարց է առաջանում՝ ինչու՞ գլխաւոր մուտքը Միութեան հրապարակ տանող կողմում չէ: Բացատրութիւնը սա է՝ որովհետեւ երկու դար առաջ Դմբովիցա գետը, որ հոսում է Բուխարեստի միջով - այժմ՝ Միութեան

³ Հին բակն այն վայրն է, որտեղից Վալաքիայի ղեկավարները կառավարել են երկիրը մինչեւ 18րդ դարը: Այն այրուել է 1718ին եւ լուրջ վնասներ է կրել 1738ի երկրաշարժի ժամանակ՝ դառնալով անօգտագործելի: Այն կոչւում է Հին բակ 1775-ից, երբ մօտ 1.5 կմ դէպի արեւմուտք կառուցուել է Նոր բակը: Նոր բակը ոչնչացել է 1812ի հրդեհից: Հին բակի համալիրից այսօր մնացել են միայն իշխանական պալատի աներակները (պատերի միջանի բեկորներ) եւ 16րդ դարի «Աւետում» եկեղեցին:

⁴ Վալաքիան տարածաշրջան է ժամանակակից Ռումինիայի հարաւում, Կարպատեան լեռների հիւսիսում եւ Դանուբի հարաւում: Այն անկախ պետութիւն էր 14րդ դարից, բայց Օսմանեան կայսրութեան վասալ դարձաւ 15րդ դարի սկզբին: 1859ին միատրուեց Մոլդովայի հետ՝ կազմելով ռումինական պետութիւնը: Բուխարեստը՝ Ռումինիայի ներկայիս մայրաքաղաքը, գրեթէ 400 տարի շարունակաբար Վալաքիայի մայրաքաղաքն է եղել:

հրապարակի տակ - առաջ հոսում էր Մանուկ Բեյի իջեանատան ետեւում: Շէնքի ու գետի միջեւ միայն մի նեղ մայթ կար, հաւանաբար՝ մէկ մետր լայնութեամբ: Ուրեմն՝ հարաւային ճակատը, փաստօրէն, շէնքի ետեւն էր:

Մանուկի շէնքն ունի մի լայն ներքին բակ, երկյարկանի է (բացառութեամբ նկուղի): Իր երկու յարկերն ունեն փայտէ ծածկապատշգամբներ՝ բոլորուած բակի շուրջը: Բոլոր շէնքերից միայն իջեանատունը փայտէ տանիք ունի, լինելով ամենահինը, բայց 19րդ դարի լուսանկարներում կարող ենք տեսնել, որ այն ծածկուած էր խեցէ սալիկներով: Յայտնի չէ, թէ 19րդ դարի սկզբին այդպէ՛ս էր, թէ՛ տանիքի շինանիւթը փոխուել է աւելի ուշ, վերանորոգման ընթացքում:



Էռնստի յատակագիծը (1791) եւ... իջեանատունն ու շրջակայքը ԺԹ. դարակէսին

ԻԶԵԻԱՆԱՏՈՒՆՆ ԻՐ ԱՌԱՋԻՆ ՏԱՐԻՆԵՐԻՆ

Բուխարեստի երկու հին յատակագծերի վրայ (Պուրսել՝ 1789, Էռնստ՝ 1791⁵) կարող ենք տեսնել երկու շէնք այն տարածքում, որտեղ աւելի ուշ

⁵ Բուխարեստի երկու հին յատակագծերը կազմել են աստրիացի ռազմական ճարտարագետներ Ֆրանց Պուրսելը (1789) եւ Ֆերդինանդ Էռնստը (1791): Պուրսելի յատակագծից տեղեկանում ենք, որ 18րդ դարի վերջին Բուխարեստում ութ մեծ իջեանատուն է եղել՝ Շերբան Վոդայի (1683-86), Կոնստանտին Վոդայի (1690-1700), Սուրբ Գեորգ նոր եկեղեցու (1695-1702), Ստաւրոպոլեոսի (1722-24), Կոլցիայի (1746), Սուրբ Կատարինէ եկեղեցու (1775-82), Դիմիտրիէ Փափագօղլուի (1784) եւ Ֆիլարէտ-Կոլցեայի: Բացի դրանցից, գործում էին նաեւ այլ, աւելի փոքր, իջեանատներ: Նշուած հիպոանոցներից ոչ մէկը չի պահպանուել: Այն իջեանատունը, որը կրելու էր հայ Մանուկ Բեյ Միրզայեանի անունը, դեռ չէր կա-

կառուցուեց Մանուկ Բէյի իջեանատունը: Երկուսն էլ ուղղանկիւն յատակագիծ ունեն: Մէկը երկար է, իսկ միւսն անկի մօտ է հրապարակին: Այս շէնքերը հաւասար գծով շարուած են այսօրուայ Ֆրանսական փողոցի վերայ ու գտնուում էին Հին Բակի լայն տարածքում:

1798ին Հին Բակի հողատարածքի մի հատուած վաճառուեց⁶, միջանի տարածք էլ վաճառուեց շէնքերով հանդերձ: Գնորդների շարքում կար մի հայ⁷ Մանուկ Միրզայեան անունով⁸: Հինգ տարի անց, 1803ին, Մանուկի իջեանատան կառուցումն արդէն սկսուեց⁹:

Թէեւ պատմաբանների մեծամասնութիւնը, որոնք իջեանատան անցեալն ուսումնասիրել են մինչեւ 20րդ դարի կէսը, գտնում են, որ շէնքի կառուցումը «սկսուել է 1806ի երկրորդ կէսին»¹⁰ ու աւարտուել «Սելիմ Գ.ի անկումից յետոյ, մօտ 1808ին»¹¹, հնագիտական ապացոյցները¹², իջեանատան հիախսային կողմում գտնուած հին ճարտարապետական բեկորներն¹³ ու անկի ուշ յայտնաբերուած միջանի պատմական փաստաթղթեր¹⁴ ցոյց են տալիս, որ շէնքի կառուցումը սկսուել է անկի առաջ, որովհետեւ, ինչպէս վկայել է ժամանակակից Եոան սին Դորբէն¹⁵, 1804 Օգոստոսի 23ի մեծ հրդեհի ընթացքում, երբ այրուել է Դմբովիցայի երկու կամուրջ,

ռուցուել: Ներկայումս Բուխարեստում քիչ շէնքեր կան, որոնք անկի հին են քան Մանուկ Բէյի իջեանատունը: Հին շէնքերի մեծ մասը եկեղեցիներ են:

⁶ George Potra, *Hanurile bucureștene*, Tiparul Românesc, București, 1943, էջ 32. նաեւ՝ Panait I. Panait, “Hanul Manuc - Cercetări arheologice”, *Buletinul Monumentelor Istorice*, LI(2):1972, էջ 3:

⁷ Մանուկ Բէյը 19րդ դարի սկզբին Բուխարեստում միակ հայր չէր: Բուխարեստի հայ համայնքի տարիքն անյայտ է: Բուխարեստի հայերի մասին առաջին փաստաթուղթը 1593 Նոյեմբերի 13ից է: Առաջին հայկական եկեղեցին կառուցուել է 1638ին: Այն վերակառուցուել է չորս անգամ՝ 1685, 1742, 1781 եւ 1911-15ին: Ներկայիս եկեղեցին, որը կառուցուել է հիւների տեղում, բացուել է 1915ի Սեպտեմբերի 6ին:

⁸ Ștefan Ionescu, *Manuc Bei, zaraf și diplomat la începutul secolului al XIX-lea*, Ed. Dacia, Cluj-Napoca, 1976, էջ 32:

⁹ Նոյն, էջ 32:

¹⁰ George Potra, *Hanurile*, էջ 155:

¹¹ G. I. Ionescu-Gion, *Istoria Bucureștilor*, Stabilimentul Grafic Socescu, București, 1899, էջ 493-94:

¹² Panait, էջ 3-11:

¹³ Constantin Joja, “Hanul Manuc - Cercetări arhitectonice”, *Buletinul Monumentelor Istorice*, an XLI(2):1972, էջ 11-6:

¹⁴ Ilie Corfus, “Cronica meșteșugarului Ioan Dobrescu (1802-1830)”, *Studii și Articole de Istorie*, VIII:1966, București, էջ 321:

¹⁵ Յովհաննէս, Դորբէի որդին, մուշտակագործ, արհեստագործ էր: Նրանից մնացել են քաղաքի որոշ շէնքերի միջանի նշումներ եւ գծագրեր:

այրուել է նաեւ Մանուկի շէնքը ու «...դեռ մի ուրիշ կամուրջ, որը գտնուում էր Մանուկի իջեանապանից աջ, գեղի վրայ...»¹⁶:

Այսօր նաեւ գիտենք որ նոյն 1804ին, Մանուկը միքանի հողատարածքներ է գնել ուն Մըրգըրիտից եւ Անտոն Հիոյի այրիից: Այս հողատարածքները գտնուում էին հին բանտի դիմաց, եւ այնտեղ կար երկու շէնք՝ «երկու խանութ, յետագայում ներառուած իջեանապան շէնքի մէջ»¹⁷: Ուրեմն գիտենք հիմա, որ Մանուկն այս շէնքերը չքանդեց, բայց ներառեց իր իջեանատան կառոյցի մէջ:

Իջեանատունը նորոգուեց 1804ի հրդեհից յետոյ¹⁸. նորոգումն աւարտուեց 1808ին¹⁹: Չորս տարի անց, Օսմանեան կայսրութեան եւ Ռուսական կայսրութեան միջեւ յայտնի 1812ի Բուխարեստի հաշտութեան պայմանագիրը կնքուեց այս շէնքում:

Այստեղից նոր փուլ է սկսուում շէնքի պատմութեան մէջ:

ՄԱՆՈՒԿԻ ՄԱՀԸ ՈՒ ԻՋԵՒԱՆԱՏԱՆ ՅԱՋՈՐԴ ՍԵՓԱԿԱՆԱՏԵՐԵՐԸ

Մանուկ Բէյը գրել է իր կտակը 1815ին²⁰ ու յաջորդ տարի խնդրել է իր կնոջ եղբօր՝ Ասուատուր Աւետեանին, իջեանատունը վաճառել: Մանուկն ընդամենը 48 տարեկան էր ու թերեւ՝ բաւական հիւանդ, ուստի եւ գիտակցում էր որ կարող է մեռնել ամէն պահի: Այս մանրամասը ցոյց է տալիս, որ նրա մահից յետոյ շրջանառուող բոլոր պատմութիւնները՝ թէ իբր Ռուսաստանում անհաատարիմ մի ծառայ թունաւորել է նրան, ընդամենը ստեր էին:

Մանուկը մահացել է 1817ի Յունիսի 20ին, Հնչեշտում²¹: Նրա մահից յետոյ շէնքը մնացել է իր ընտանիքին, որն ապրում էր Հնչեշտում ու չէր կարող պահպանել Մանուկի շէնքերը Բուխարեստում: Ուստի, 1825ին շէնքը վարձակալել է Դիմիտրիէ Իկոնոմիդիս անունով մի յոյն (նրա անունը երբեմն գրուել է Դումիտրակէ Էկոնոմու²²), իսկ մօտ 1842ին Մանուկ Բէյի

¹⁶ Նոյն. նաեւ՝ Panait, էջ 3. նաեւ՝ Ionescu, *Manuc Bei*, էջ 33:

¹⁷ Ioan N. Dărvărescu, “Noi contribuții la cunoașterea trecutului fostei biserici domnești Curtea Veche...”, *Glasul bisericii*, XXVII(1-2):1968, էջ 138-147. նաեւ՝ Ionescu, *Manuc Bei*, էջ 33. նաեւ՝ Panait, էջ 3:

¹⁸ Ionescu, *Manuc Bei*, էջ 33

¹⁹ George Potra, *Istoricul hanurilor bucureștene*, ed. Științifică și Enciclopedică, București, 1985, էջ 166:

²⁰ Gheorghe Bezviconi, *Manuc Bei*, Tipografia Uniunii Clericilor Ortodocși, Chișinău, 1938 (ediția a II-a), էջ 20:

²¹ Հնչեշտն այսօր Մոլդովայի Հանրապետութեան քաղաք է: 1812ին հենց Մանուկի իջեանատանը, Բուխարեստում ստորագրուած պայմանագրով Մոլդովայի արեւելեան հատուածը միացուեց Ռուսական կայսրութեան: Մանուկն իր Հնչեշի հողը գնեց 1816ին բոյար Իոնիցը Իամանդիից: Տունը, որտեղ նա ապրել է միայն մէկ տարի՝ մինչեւ իր մահը 1817, նախկինում Իամանդիի տունն է եղել:

²² Potra, *Hanurile bucureștene*, էջ 34:

որդի Եռան (Յովհաննէս) Մանուկը շէնքը վաճառել է Դիմիտրիէ Իկոնոմի-
դիսին, Գէորգէ Իկոնոմիդիսին ու Վասիլեսկոյին²³:

Ամբողջ այս ժամանակաշրջանը լի է դատավարութիւններով այդ երեք
սեփականատերերի միջեւ, ու շէնքն իվերջոյ բաժին է հասել Լամբրու Վա-
սիլեսկոյին²⁴:

ՃԱՆԱՊԱՐՀՈՐԴՆԵՐԻ ՎԿԱՅՈՒԹԻՒՆՆԵՐԸ

Չնայած որ Մանուկ Բէյի կառոյցը գտնուում էր մայրաքաղաքի կենտ-
րոնում ու համարում էր կարեւոր իջեանատուն, այն առաւելապէս յայտնի
էր որպէս ոչ-մաքուր ու աղմկոտ մի օթեան:

1831ի վերջին, հունգարացի նկարիչ Միկլոշ Բարաբաշը (1810–98) ժա-
մանել է Բուխարեստ եւ ցանկացել է մնալ Մանուկի իջեանատանը: Իր
յուշագրութեան մէջ²⁵ նա գրել է. «Անցնելով լեռների վրայով՝ հասալ Բու-
խարեստ առանց դժուարութեան, որտեղ գնացի Մանուկի իջեանատունը,
որն այնքան վաղ վիճակում էր գտնուում, որ չհամարձակուեցի սենեակ
վերցնել»²⁶:

Նման կարգի յիշատակութիւններ են թողել նաեւ անգլիացի Բենջըմին
Բարբըրը (1834ին)²⁷, շոթլանդացի հոգեւորականներ Էնդրիւ Բոնարն ու
Ռոբըրտ Մքէյնը (1839ին)²⁸, որոնք գնում էին Արեւելք՝ հրեաներին քրիս-
տոնեայ դարձնելու, եւ շատ ուրիշներ:

1838Ի ԵՐԿՐԱՇԱՐԺՆ ՈՒ ՆՈՐՈԳՈՒՄԸ

1838ի երկրաշարժի ընթացքում, լուրջ ճաքեր յայտնուեցին իջեանա-
տան Դմբովիցայի կողմի պատերի վրայ²⁹:

Երկար քննարկումներից ու բանավեճերից յետոյ հանրային իշխանու-
թիւնները եւ տեղի ճարտարապետերը որոշեցին, որ Դմբովիցայի կողմի
բոլոր պատերը պէտք է վերականգնուեն³⁰: Հնագիտական հետազոտու-
թիւնները (1967) ապացուցել են հին պատի հիմքը, եւ որ Դմբովիցայի կող-

²³ Academia Română, ms. 2542, f. 98 și 112 apud George Potra, *Istoricul hanurilor bucureștene*, էջ 158:

²⁴ Potra, *Istoricul hanurilor bucureștene*, էջ 160:

²⁵ Ladislau Kóvacs de Kézdi, *Barabás Miklós emlékiratai*, Budapest, 1902:

²⁶ *Călători străini despre țările române în secolul al XIX-lea*, Ed. Academiei Române, București, 2006, vol. III, էջ 55:

²⁷ Նոյն, էջ 204. նաեւ՝ E. D. Tappe, "A Bible Society Agent in the Rumanian Principalities," *Slavonic and East European Review*, XLII(99):1964, էջ 388-402:

²⁸ Andrew Bonar & Robert McCheyne, *Narrative of a Mission of Inquiry to the Jews from the Church of Scotland in 1839*, William Whyte et Co., Edenborough, 1843:


²⁹ Arhivele Statului București. Municipiul București. Dosar 596/1838, f. 30 apud Potra, *Istoricul hanurilor bucureștene*, էջ 157-158:

³⁰ Նոյն:

մի արտաքին պատը վերականգնուել է նոր քարէ հիմքերով³¹, 50-65 սան-տիմետր դէպի հիւսիս³²:



Միշէլ Բուկէի գծանկարները (George Oprescu, *Tărice Române văzute de artiști francezi*, București, 1926)



1841-ի եւ 1860-ի ԳԾԱՆԿԱՐՆԵՐԸ

Ֆրանսացի նկարիչ Միշէլ Բուկէն երկու գծանկար է կատարել 1841ին, իջեանատան բակում, որոնք երկու տարի անց փայտափորագրութեան


³¹ Panait, էջ 10:

³² Նոյն:

տեսքով տպագրուել են Փարիզում³³: Այս նկարներն ամենահին փաստաթղթերն են, որոնցից կարող ենք հասկանալ շենքի ու յատկապէս բակի հին ձեւը: Դրանք շատ կարեւոր են եղել քսաներորդ դարում շենքի վերականգնման համար:



Լիւդովիգ Անգերէրի լուսանկարը (*Buletinul Comisiunii Monumentelor Istorice*, anul XX, 1927, էջ 60) եւ ...Օգիւստ Լանսելոտի գծանկարը (George Oprescu, *Țările Române văzute de artiști francezi*, București, 1926)



³³ Constantin C. Giurescu, *Istoria Bucureștilor din cele mai vechi timpuri până în zilele noastre*, Ed. pentru Literatură, București, 1966, էջ 313. Նաեւ՝ Horia Teodoru, "Bucureștii vechi. Hanul Manuc, după o fotografie din anul 1856", *Buletinul Comisiunii Monumentelor Istorice*, XX:1927, էջ 60:

1856ին շէնքի սեփականատէրերը միքանի փոքր վերանորոգում են կատարել³⁴: Նոյն տարուց առկայ է մի ուշագրաւ լուսանկար (հեղինակ՝ Լիւդովիգ Անգերեր)³⁵, որտեղ տեսնում ենք շէնքի բակը՝ կառքերով հանդերձ: Ճարտարապետական բոլոր մանրամասները կարելի է տեսնել այս լուսանկարում: Հասկանում ենք նաեւ, թէ որքա՛ն ճշգրիտ է Բուլէն պատկերել իջեւանատունն իր գծանկարներում: Անգամ նրա պատկերած տանիք տանող փայտէ սանդուղքը 16 տարի անց գտնուել է նոյն տեղում:

1860ին մէկ այլ ֆրանսացի նկարիչ՝ Օգիւստ Լանսելտոը, նկարել է իջեւանատան առօրեան: Նա բնութագրել է շէնքի հմայքը նաեւ բառերով. «Խելագար այդ բակում կարող էիր տեսնել ողջ աշխարհի ամենագուարճալի ու ամենաբազմազան պատկերներ՝ ճամբար, պահեստ, խանութ, սակարան, գազանանոց... բոլորը միասին այնպէս էին»³⁶:

Եւ լուսանկարները հաստատում են նրա խօսքերը...

ՆՈՐ ԱՇԽԱՏԱՆՔՆԵՐ. ԱՐԵՒԵԼԵԱՆ ԵՒ ԱՐԵՒՄՏԵԱՆ ԱԶԴԵՑՈՒԹԻՒՆՆԵՐԸ

Ինչպէս նշուեց, իվերջոյ իջեւանատունը գնել է Լամբրու Վասիլեսկուն (1862ին)³⁷ մնալով դրա միակ սեփականատէրը ու մեծ փոխակերպութիւններով վերանորոգել է այն մինչեւ 1870՝ վերանուանելով «Դակիա հիւրանոց»³⁷: Բակի կողմից կամարաշարքը փակուել է ապակիով³⁸ ու արեւելեան շէնքի կողմում կառուցուել է «Դակիա» սրահը 300 քառակուսի մետր տարածքով³⁹:

Հիւրանոցի պաշտօնական բացումը տեղի է ունեցել 1874ին⁴⁰, երկու մեծ սրահով, որոնք օգտագործուել են միայն յատուկ միջոցառումների համար⁴¹: Այդ սրահներից մէկում 1878-79ին գործել է թատրոն⁴²:

ՇԷՆՔԸ Ի. ԵՒ ԻԱ. ԴԱՐԵՐՈՒՄ

Քսաներորդ դարում շէնքը շարունակել է ծեւափոխուել: Հետաքրքրական է, որ այնտեղ առկայ են թէ՛ արեւմտեան, թէ՛ արեւելեան ճարտարա-

³⁴ Academia Română, ms. 1635, f. 333-334 apud George Potra, *Istoricul hanurilor bucureștene*, էջ 161:

³⁵ Teodoru, էջ 62:

³⁶ George Oprescu, *Țările Române văzute de artiști francezi (secolele XVIII și XIX)*, București, 1926, էջ 60:

³⁷ Potra, *Istoricul hanurilor bucureștene*, էջ 163:

³⁸ Joja, էջ 11:

³⁹ Panait, էջ 11:

⁴⁰ *Le journal de Bucarest*, V (1874), nr. 407 (30 iul.), էջ 2. նաեւ՝ Potra, *Istoricul hanurilor bucureștene*, էջ 163:

⁴¹ Potra, *Istoricul hanurilor bucureștene*, էջ 169:

⁴² Նոյն:

պետական ազդեցություններ, թէեւ քսաներորդ դարի սկզբին ողջ Եւրոպայում մի կողմից նոր ոճ էր առկայ, միւս կողմից սկսում էին հասկանալ ճարտարապետական ժառանգության արժէքը եւ դրա պահպանութեան կարեւորութիւնը:



Իջեանատան բակը հիւսիս-արեւմտեան անկիւնն ու մուտքը, 20րդ դարի սկզբին (*Buletinul Comisiunii Monumentelor Istorice*, anul XX, 1927, էջ 62) եւ...բակը գլխաւոր վերականգնումից յետոյ (*Buletinul Monumentelor Istorice*, anul XLI, 1972, nr. 2, էջ 12-13)



Մանուկ Բէյի իջեանատունը 1950ին պետականացուել է⁴³: Երեք տարի անց բակում կատարուել են առաջին հնագիտական պեղումները, որոնք,

⁴³ Նոյն:

սակայն, շատ արագ աւարտուել են⁴⁴: Հնագիտական հետազոտութիւնը վերսկսուել է 1967ին⁴⁵՝ նոր ու հետաքրքրական արդիւնքներով: Յայտնաբերուել են Հին Բակի պատերից երկուսը, որոնք անցնում էին իջեանատան բակի միջով⁴⁶:

Առաջին գիտական ու ամենամեծ վերականգնումը սկսուեց նոյն տարի ու աւարտուեց 1972ին: Բացումը կատարուել է 1971ի Յուլիսի 30ին⁴⁷:

Եթէ ներսի բակի դէպքում վերականգնումը հիմնուել է Բուկէի գծանկարների ու հին լուսանկարների վրայ, ապա արտաքին ճակատների դէպքում, քիչ նիւթ է պահպանուել հին շէնքից: Այսպիսով, բոլոր խոյակներն ու միւս զարդաքանդակները ընդօրինակութիւններ են շէնքի հիւսիս-արեւմտեան անկիւնում գտնուողներից: Չնայած այս վերանորոգմանը, ընդամենը միքանի տարուց շէնքը դարձեալ գտնուել է վատ վիճակում:

2007ին, երկարատեւ դատավարութիւնից յետոյ, ռումինական պետութիւնը շէնքը վերադարձրել է Կոնստանտին-Շերբան Կանտակուզիոյին, որն արագօրէն սկսել է շէնքի երկրորդ վերականգնումը⁴⁸:

Երեք տարի անց, 2010ին Մանուկի իջեանատունը նորից վերաբացուել է որպէս հիւրանոց⁴⁹:

Այս երկու վերանորոգումներից յետոյ շէնքի ճարտարապետութիւնն այսօր անկիւն դնուել է հին լուսանկարներին ու գծանկարներին, սակայն շէնքի առաջին պատկերը, յատկապէս արտաքին ճակատները, դեռեւս յայտնի չէ:

ԱՄՓՈՓՈՒՄ

Մանուկի իջեանատունը, որը կառուցուել է 1804ից առաջ եւ աւարտուել 1808ին, Ռումինիայի մայրաքաղաք Բուխարեստի ամենաճանօթ շէնքերից է: Այն ուշագրաւ ճարտարապետական նմուշ է, որ աչքի է ընկնում մեծ ներքին բակով: Իջեանատունը եղել է 1812ին Օսմանեան կայսրութեան եւ Ռուսական կայսրութեան միջեւ կնքուած հաշտութեան պայմանագրի կնքման վայրը: Նրա առաջին սեփականատերը՝ Մանուկ Բէյը (Էմանուէլ Միրզայեան, 1769-1817), հայ նշանաւոր վաճառական եւ դիւանագէտ էր:

Իջեանատունը միքանի անգամ ենթարկուել է վերանորոգման, զգալի վերափոխումներ կրել 19րդ դարի վերջին, երբ վերանուանուել է «Դակիա հիւրանոց»: Վերջին վերանորոգումները տեղի են ունեցել 1967-72ին եւ 2007ից յետոյ: Ու թէեւ այս երկու վերանորոգումներից յետոյ շէնքի ճար-

⁴⁴ Panait, էջ 3:

⁴⁵ Նոյն:

⁴⁶ Նոյն, էջ 4:

⁴⁷ Նոյն, էջ 3:

⁴⁸ St'u' hanulluimanuc.ro :

⁴⁹ St'u' www.bucurestiivechisinoi.ro/2011/10/hanul-manuc-o-poveste-in-imagini :

տարապետությունն այսօր ավելի մօտ է հին լուսանկարներին ու գծանկարներին, սակայն շենքի առաջին պատկերը, յատկապես արտաքին ճակատները, դեռևս յայտնի չէ:



Իջեանատունն այսօր (աղբիւր՝ www.hanulluimanuc.ro)

MANUK'S INN IN BUCHAREST
(CIRCA 1804)
(SUMMARY)

ANDREI PASLARIU
andrei_paslariu@yahoo.com

The paper highlights the renowned inn of Manuk in Bucharest. Built after 1803 and completed by 1808, Manuk's inn is located at the centre of Bucharest, Romania. It is a remarkable architectural landmark, displaying a large inner courtyard. Its main entrance is on the north side. The inn was the site of a peace treaty between the Ottoman and the Russian Empires signed in 1812. Its first owner, Manuk Bey (Emanuel Mirzayan, 1766-1817), was a famous Armenian merchant and diplomat.

After Manuk Bey's death, the inn had various owners and was, at one point, known for being a dirty and noisy hotel.

The inn has undergone several renovations, including a significant transformation in the late 19th century, when it was renamed Hotel Dacia. More recent restorations took place in 1967-72 and after 2007. After these two renovations, the exterior of the building is now closer to the image we see in old photographs and drawings, but the original appearance of the building, especially the exterior façades, is still unknown.